


পোয়া-মাইয়া অলর লাই বাইবেল
যে প্রকাশ গইজে



স্বর্গ হইয়ে দে
ঈশ্বরর সুন্দর বাড়ী



যে লেইক্লে: Edward Hughes

যে ছবি আইক্লে: Lazarus
Alastair Paterson

যে সম্পাদন গইজে: Sarah S.

যে অনুবাদ গইজে: Adlina


যে পরিচালনা গইজে: Bible for Children
www.M1914.org

©2023 Bible for Children, Inc.


বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার,
ইলেকট্রনিকস, রেকর্ড গরিবার আর হুবহু লেখিবার অনুমতি দন গেইয়ে।



স্বর্গর ব্যাপারে যীশু তাঁর অংগীঅলরে কইয়েদে যেতে যীশু এই দুনিয়াত
আছিল ইবারে তিনি কইতো দে, “আর বাপর বাড়ী” আর কইতো এডে
থাইবার বহুত জাগা আছে। উগ্গ্যা ডর অট্টালিকা,
সুন্দর চমৎকার বাড়ী। দুনিয়ার যেকোনো
বাড়ীরতুন স্বর্গ বহুতডর আর
বেশী সুন্দর।




যীশু কইয়ে, “আই তোয়ারার লাই জাগা ঠিক গইরতো যাইর। আই যাই
তোয়ারার লাই জাগা ঠিক গরি আবার চলি আইষুম আর আঁর কাছে তোয়ারারে
লই যাইযুমা” মরনরতুন জেয়াতা হই উডিবার পরে যীশু স্বর্গত গেইয়ে গই।
অংগীঅলরে চোখোর সামনোদীরতুন যীশুরে তুলি লওয়া হইয়ে আর যীশু
উগ্গ্যা মেঘর আড়ালত
চলি গেইয়ে।



এয়ার পরোতুন খ্রীষ্টানঅলে যীশুর প্রতিজ্ঞা মনত রাইক্লে যে, যীশু ফিরি আই
তারারে লই যাইবো। যীশু কইয়ে তিনি আতিক্ল্যা গরি ফিরি আইবো। যেতে
কেউ কোনো আশা ন গরিবো। কিন্তু যেসব খ্রীষ্টানঅলে তাঁর
আইবার আগে মরি যাইবো তারা কি হইবো?
বাইবেলত কয় দে তারা সরাসরি যীশুর
কাছে যাইবো। শরীলরতুন আলাদা
হই প্রভুর অংগেই থাকিবা।



স্বর্গ কত যে সুন্দর আর চমৎকার এই ব্যাপারে বাইবেলের শেষ বই প্রকাশিত
বাইবল আঁরারে কয়। বিশেষ গরি ইঁবা উগ্গ্যা চমৎকার বিষয় দে স্বর্গ ঈশ্বরর
থাকিবার জাগা। ঈশ্বর যে কোন জাগাত আছে, কিন্তু স্বর্গ হইল দে তাঁর
সিংহাসন।




ফেরেস্তা আর স্বর্গর বাহিনী স্বর্গত ঈশ্বরর উপাসনা গরের। ঈশ্বরর বেক মানুষ যারা
মরি গেইয়ে আর স্বর্গত গেইয়ে ইতারাও ঈশ্বরর প্রশংসা গরের। তারা যে
গানওয়া গাইয়ে এয়ার কয়েককান লাইন এরহম:

তুঁই উপযুক্ত, তুঁই তোয়ার রক্ত দিয়েনে বেক বংশ
আর জাতির মইধ্যর তুন ঈশ্বররলাই আরায়ে কিনি
পুনরুদ্ধার গইজ্জ্য (প্রকাশিত বাক্য ৫:৯


পদ)। তাঁর সেবারলাই
পুরোহিত আর দুনিয়াত
রাজত্ব গরিবারলাই
রাজা গইজ্জ্য।
(রোমীয় ৫:৯ পদ)




বাইবেলের শেষদ্বী স্বর্গর ব্যাপারে বর্ণনা দিত যাই। “নোয়া যিরুশালেম” অর
কতা কওয়া হইয়ে। ইবা হইয়েদে বহুত ডর আর চারিমিক্কা দেওয়াল দিয়েনে
ঘেরা দেয়া দেওয়ালর পাথরগুন হইয়েদে আইনার মত। আর নীচর ভীতগুনোর
মইধ্যে বেক রকমন দামী দামী পাথর বোয়ানো আছিল। শহরর বেক দরজা এক
উগ্গা মুক্তা দিয়েনে
তৈয়ার গরা।




শহরর দরজাগুণ কোনদিন বন্ধ ন থাকে। চলো ভিতরত যাই আর চারিমিক্কা
ঘুরি ঘুরি চাই- কী সুন্দর! স্বর্গর ভিতরগান খুব বেশী সুন্দর। শহরগান পরিষ্কার
কাঁচরনান সাদা, খাঁটি সোনার তৈয়ারী। এনকি রাস্তা ইউনো সোনা দি
তৈয়ার গইজেয়।




ঈশ্বরর সিংহাসনরতুন এককান সুন্দর, চকচইক্কা জীবন-জলর নদী বই যাইতো লাইগ্লে। এই নদীর দুই পাশেই জীবন গাছ আছিল। যিবা এদন বাগানত প্রথম দেখা গেইল। গাছইবা আছিলদে অসাধারণ। এই গাছত প্রতি মাসেই বারো বইত্তা ফল ধরে আর এই জীবন গাছর পাতাত জাতির মানুষ ভালা হয়।



স্বর্গত চাঁদ বা সূর্য্যর আলোর দরকার নাই। এয়ার কারণ ঈশ্বরর নিজর মহিমলাই স্বর্গ চমৎকার গরি আলোকিত হইবো। এডে কোনোদিন কোন আন্ধার ন থাকিবো।



এনকি স্বর্গর মইধ্যে জীব-জন্তু হইলদে নানা বইত্তা। এউন বেক হইয়েদে
চুপচাপ, শান্ত আর বন্ধুরনান নেকড়ে বাঘ আর ছাগল একঅংগে খের খার।
শক্তিওয়লা সিংহগুন ষাড়রনান গরি খের খার। সদাপ্রভু কইয়েদে, “আর
পবিত্র পাহাড়ত যারা থাকিব তারা কোন আঘাত ন পাইবো, ধবংসও ন হইবো।”



আৰা স্বৰ্গৰ চাৰিমিক্কা চাই দেখিলাম দে এডে কিছু বিষয় নাই। এডে
কোন রকম রাগ বা খাৰাপ কতাবাৰ্তা, হুনা ন যায়। কোনিকাই মাৰামাৰি ন
গৰে বা নিজৰ স্বার্থৰ কতা ন ভাবে।


স্বৰ্গত কোন চোর নাই। এই
কতাললাই দরজাত তালা
নাই। এডে কোন মিথ্যুক
খুনী, গণক, যাদুকর বা
কোন দুষ্ট মানুষ নাই। স্বৰ্গত
কোন রকম পাপ নাই।




স্বৰ্গত ঈশ্বৰৰ কাছে কোন দুঃখ
নাই, কিন্তু পৃথিবীত মাৰো
মইধ্যে ঈশ্বৰৰ মানুষঅল দুঃখত
কাঁদে। স্বৰ্গত ঈশ্বৰ বেকের
চোখৰ পানি মুছি দিবো।



এনকি স্বৰ্গত কোন মৰণ নাই। ঈশ্বৰৰ মানুষঅল আৰা জীবন সদাপ্ৰভুৰ অংগে থাকিব। যেডে কোন রকম দুঃখ নাই, নাই কোন কান্না, নাই ব্যথা, অসুখ নাই, নাই আত্মীয়-স্বজন হারাইবার ব্যথা, বা মৰণ। বেক মানুষ স্বৰ্গত ঈশ্বৰৰ অংগে সুখ ভোগ গৰিবো।



মূলকতা হইয়েদে যে পুয়া মাইয়াঅল তারার উদ্ধারকর্তা গরি প্রভু যীশু খ্রীষ্টরে
বিশ্বাস গইজ্জ্যে আর তাঁর বাইধ্য হইয়ে তারা বেকেই স্বর্গর বাসিন্দা হইবো।
স্বর্গত উগ্গ্যা বই আছে যিবারে মেঘ-শিশুর জীবন বই কওয়া হয়। মাইনষর নাম
দিয়েনে ভরা এই বই। তুই কি জান না, কার কার নাম এই বইয়র মইধ্যে লো
আছে? এই বেক মানুষর নাম যারা না কি যীশুরে
উদ্ধারকর্তা হিসাবে বিশ্বাস গইজ্জ্যে।
তোয়ার নাম কি এডে আছে?



স্বর্গর ব্যাপারে বাইবেলের শেষ কতায় বেকরলাই উগ্গ্যা সুন্দর নিমন্ত্রণ রইয়ে।
“পবিত্র আত্মা আর কনে কইয়েদে, ‘আইও’। আর যে নাকি এই কতা হইনে
ইতেও কউক, ‘আইও’। যারার তিরাশ পাইয়ে ইতে আইওক আর যে পানি
খাইতো চায় ইতে বিনামূল্যে জীবন পানি খাই যোক”।



স্বৰ্গ হইয়ে দে ঈশ্বৰৰ সুন্দৰ বাড়ী

ঈশ্বৰৰ বাইক্য পবিত্ৰ বাইবেলের তুন গল্পওয়া লওয়া অইয়ে

গল্প ইবার মইদ্যে আছে দে

যোহন ১৪ অঃ; ২ করিন্থীয় ৫ অঃ;
প্রকাশিত বাক্য ৪,২১,২২ অধ্যায়।

“তোঁয়ার বাইক্যই আঁর জীবনর আলোর কেবার (দরজা).”

গীতসংহিতা ১১৯:১৩০ পদ



শেষ



এই বাইবেলের কাহিনী ইবা যে, আরাৰে তৈয়াৰ গইৰগে এবং তিনি চান যেন আরা তাঁৰে জানি আৰাৰ সেই চমৎকাৰ ঈশ্বৰৰ ব্যাপাৰে আৰাৰে কয় ।

ঈশ্বৰ জানে যে, আরা খাৰাপ খাৰাপ কাম গইৰগি যিবাৰে ঈশ্বৰ পাপ কয় । পাপৰ শাস্তি মৰণ কিন্তু ঈশ্বৰ আৰাৰে বেশী ভালবাসে । তিনি তাঁৰ অগ্নো পোয়া যীশুৰে আৰাৰ পাপৰ লাই দ্রুশত মৰিবাৰলাই আৰ শাস্তি পাইবাৰ লাই পাঠাই দিইল । পরদি যীশু মৰনৰতুন জেয়াতা হইয়েনে স্বৰ্গৰ মধ্যে যে, ঘৰ আছে এডে ফিৰি গেইয়ে । যদি অনে যীশুৰে বিশ্বাস গৰণ আৰ অনৰ পাপৰ লাই তাঁৰ কাছে মাফ চন তইলে তিনি মাফ গৰি দিব । তিনি এহন আইয়েৰে আৰাৰ মধ্যে থাকিব আৰ অনেও তাঁৰ মধ্যে আজীবন থাইবেন ।

যদি অনে বিশ্বাস গৰণ যে ইবা হাঁসা তইলে ঈশ্বৰৰ কাছে এই প্রার্থনাওয়া গৰণ:
প্রিয়া যীশু, আই বিশ্বাস গৰি দে, তুঁই ঈশ্বৰ আৰ আৰাৰ পাপৰ লাই মৰিবাৰ লাই মানুষ হইয়েনে জনুগ্ৰহণ গইৰজুইন । আৰ এহন তুঁই আবাৰ জীবিত আছন । দয়া গৰি আৰ জীবনত আইয়ো আৰ আৰ পাপ ক্ষমা গৰ যেন, আই এহনতুন নওয়া জীবন পাইত পাৰি আৰ এক দিন হাৰাজীবন তোয়াৰ অংগে থাইকতো যাইত পাৰি । আৰে সাহায্য গৰ যেন, তোয়াৰ আদেশ মানিত পাৰি । আৰ তোয়াৰ পোয়া হইয়েনে তোয়াৰ লাই জীবন কাটাইত পাৰি ।

বাইবেল পড়ন আৰ পোতুকদিন ঈশ্বৰৰ অংগে কথা কন (যোহন ৩:১৬) ।

